



**UNIVERSITETI - UNIVERSITY
"ISA BOLETINI"
MITROVICË**

Nr. Prot. 1272 Dt. 30.05.2025

Këshilli Drejtues i Universitetit "Isa Boletini" në Mitrovicë, duke u bazuar në nenin 23 dhe 24 të Statutit të UIBM, në mbledhjen e mbajtur më 19.05.2025, mori:

VENDIM

- I. Për aprovimin e Rregullores për financimin e veprimtarisë kërkimore – shkencore në Universitetin "Isa Boletini" Mitrovicë.
- II. Këtij vendimi i bashkëngjitet Rregullores për financimin e veprimtarisë kërkimore – shkencore në Universitetin "Isa Boletini" Mitrovicë.
- III. Vendimi hyn në fuqi nga dita e miratimit.

Vendimi t'i dërgohet:

1. Arkivit të UIBM;
2. Menaxhmentit të UIBM;
3. Fakulteteve të UIBM;
4. Zyrës për buxhet dhe financa;
5. Zyrës së personelit;
6. Zyrës për çështje akademike;
7. Zyrër për Informim me publikun;

Kryesuese e Këshillit Drejtues

Dr. Albana Rexha





UNIVERSITETI - UNIVERSITY
“ISA BOLETINI”
MITROVICË

Nr. prot. 1272/1 dt. 30.05.2025

Bazuar në nenet 157,158,159 dhe 160 të Statutit të UIBM të cilat ndërlidhen me kërkimet shkencore dhe dijen si dhe nenin 24 paragrafi 1.7.2 për detyrat dhe përgjegjësit e Këshillit Drejtues të definuara në statutin e Universitetit “Isa Boletini” në Mitrovicë, Këshilli Drejtues në mbledhjen e mbajtur më 19.05.2025 miratoi:

RREGULLORE PËR FINANCIMIN E VEPRIMTARISË KËRKIMORE –
SHKENCORE NË UNIVERSITETIN “ISA BOLETINI” MITROVICË

Kapitulli I
Dispozitat e përgjithshme

Neni 1
Qëllimi dhe fusha e zbatimit

1. Përmes kësaj rregulloreje përcaktohet mënyra e financimit të Aktiviteteve Shkencore dhe Hulumtuese për personelin akademik të Universitetit “Isa Boletini” në Mitrovicë.
2. Me këtë rregullore përcaktohen kushtet, kriteret dhe procedurat, të cilat ia mundësojnë Këshillit Drejtues të Universitetit “Isa Boletini” në Mitrovicë (UIBM) të ndajë mjete financiare për publikimin e punimeve shkencore, për pjesëmarrje në ngjarje shkencore dhe projekte kërkimore të nivelit të pranueshëm akademik.
3. Këshilli Drejtues i UIBM-së planifikon dhe ndan për çdo vit buxhetin e nevojshëm me qëllim të zbatimit të kësaj rregulloreje dhe planit strategjik të UIBM-së.

Neni 2
Përkufizimet

1. Shprehjet e përdorura në këtë rregullore kanë kuptim si në vazhdim:
 - 1.1 Aktivitete Shkencore dhe Hulumtuese – Publikime shkencore, pjesëmarrje në ngjarje shkencore dhe projekte kërkimore.
 - 1.2 Financimi – nënkupton çfarëdo forme të ndarjes së mjeteve financiare me qëllim financimin e veprimtarisë shkencore.
 - 1.3 KSSH – nënkupton aktivitete që ndërlidhen me konferenca dhe simpoziume shkencore e artistike.
 - 1.4 Mbështetja financiare – në kuptim të kësaj rregulloreje, përfshin transferet e njëanshme, të pakthyeshme të mjeteve buxhetore të universitetit në llogarinë rrjedhëse të përfituesit, për arritjen e një qëllimi të ligjshëm për interes të universitetit, personelit akademik dhe studentëve, në pajtim me qëllimin e kësaj rregulloreje.
 - 1.5 Përfituesi – nënkupton përfituesin e mjeteve financiare nga mjetet e ndara për financimin e veprimtarisë shkencore dhe hulumtuese, dhe të planifikuara në buxhetin e universitetit dhe në pajtim me Ligjin për Buxhetin për vitin fiskal, Ligjin për Menaxhimin e Financave Publike dhe Përgjegjësitë, si dhe rregullat e departamentit të thesarit.

1.6 Raporti financiar – nënkupton raportin përmes së cilit mbështetësi financiar i dorëzon të gjitha dëshmitë për shpenzimet financiare origjinale, ashtu siç janë kërkuar në projekt propozim apo në kërkesë.

1.7 Raporti narrativ – nënkupton të gjitha të dhënat e aktiviteteve që janë kryer gjatë realizimit të aktivitetit, për të cilin janë ndarë mjetet buxhetore, i cili duhet të dorëzohet nga përfituesi.

1.8 Personel akademik – nënkupton stafin në marrëdhënie të rregullt punë në UIBM.

1.9 ZBNKSh – Zyra për Bashkëpunim Ndërkombëtar dhe Kërkime Shkencore.

Neni 3

Rregullat dhe procedurat e përgjithshme të aplikimit për mbështetje financiare

1. Universiteti, përmes mekanizmave përkatës, mund të bëjë ndarje të mjeteve për mbështetje financiare për publikime shkencore, pjesëmarrje në aktivitete kërkimore dhe shkencore, mbi bazën e kërkesës së tyre dhe në pajtim me dispozitat e kësaj rregulloreje.
2. Procedura e ndarjes së mjeteve financiare nga universiteti mund të zhvillohet mbi bazën e thirrjes publike për aplikim për projekte kërkimore apo në raste të veçanta, në bazë të kërkesës së arsyetuar.
3. Gjatë ndarjes së mjeteve për mbështetje financiare përmes thirrjes publike të universitetit, përcaktohet qartë fusha e mbështetjes financiare, kriteret, dokumentet e nevojshme për aplikim dhe informata të tjera me rëndësi.
4. Shqyrtimi i kërkesave dhe ndarja e mjeteve për mbështetje financiare mbi bazën e thirrjes publike zhvillohet sipas dispozitave të parapara të kësaj rregulloreje.
5. Shqyrtimi dhe vlerësimi i kërkesave për ndarje të mjeteve për mbështetje financiare bëhet brenda një afati të arsyeshëm kohor por jo më gjatë se 60 ditë kalendarike nga parashtrimi i kërkesës apo aplikimit.

Neni 4

Transparenca

1. Këshilli Drejtues, çdo vit, publikon listën përfundimtare të përfituesve nga mbështetja financiare.
2. Lista përfundimtare e përfituesve duhet të përmbajë: emrin e përfituesit, fushën apo aktivitetin e financuar dhe shumat që u janë ndarë.
3. Publikimi i përfituesve bëhet në ueb faqen e universitetit.

Kapitulli II

PUBLIKIMET SHKENCORE

Neni 5

E drejta për mbështetje financiare

1. Për të fituar të drejtën për mbështetje financiare, personeli akademik, që ka publikuar tërësisht ose një pjesë të konsiderueshme të rezultatit të punës kërkimore të bërë në dhe për UIBM, duhet të argumentojë me sa vijon:

1.1 Artikuj me tekst të plotë (punime origjinale empirike, rishikim literature, prezantime të projekteve hulumtuese, rast studimor) që bartin adresën e Universitetit “Isa Boletini” Mitrovicë (affiliations), të botuara në revista shkencore të mbuluara nga **Clarivate Analytics – Web of Science** (Grupi 1: *SCIE, SSCI dhe AHCI*).

1.2 Artikuj me tekst të plotë (punime origjinale empirike, rishikim literature, prezantime të projekteve hulumtuese, punime të shkurtra) që bartin adresën e Universitetit “Isa Boletini” Mitrovicë (affiliations), të botuara në revista shkencore që nuk mbulohen nga Clarivate Analytics – Web of Science, të indeksuara në SCOPUS (Grupi 2: *Q1; Q2; Q3 dhe Q4*).

1.3 Libra të shkruar dhe monografi, si produkt i kërkimit origjinal ose kapituj në një libër të tillë me adresë të Universitetit “Isa Boletini” Mitrovicë dhe të botuar nga shtëpi botuese të njohura shkencërisht (Grupi 3: shtëpitë më të mëdha botuese: *Cambridge University Press; Oxford University Press; Thomson Reuters; Springer Nature; Routledge; Elsevier; Wiley; Peter Lang; Blackwell; De Gruyter; RELX Group; Bertelsmann; SAGE; Pearson; Wolters Kluwer; Hachette Livre; Grupo Planeta; Schoastic; McGraw Hill*).

2. Veprimtaria hulumtuese/shkencore që është botuar apo botohet në revista dhe shtëpi botuese të dyshimta nuk mund të financohet.

Neni 6

Pjesëmarrjet në ngjarje shkencore të pranueshme për financim

1. Pjesëmarrjet në aktivitete shkencore të pranueshme për financim janë kryesisht kongrese ndërkombëtare, konferenca, simpoziume, të organizuara jashtë vendit. Ndërsa për ngjarjet ndërkombëtare të mbajtura në Kosovë dhe rajon, me borde editoriale ndërkombëtare shkencore, organizuese dhe ekzekutive, janë të pranueshme për financim vetëm tarifat e regjistrimit (nëse janë të aplikueshme).

2. Ngjarjet shkencore, artistike e sportive, në të cilat do të marrë pjesë personeli akademik që aplikon për mbështetje financiare, duhet të korrespondojnë me fushën përkatëse të personelit. Ata që kanë punime, të cilat janë pranuar për prezantim në kongrese ndërkombëtare, konferenca, simpoziume ose në disa fusha të shkencës, përfshirë pjesëmarrjen me poster ekuivalentë me kumtesa, ose ata që marrin pjesë në bordet shkencore, organizative, ekzekutive të ngjarjeve të tilla ose paraqiten si folës, panelist, kryetarë të takimit/sesionit ose në pozicione të ngjashme kanë të drejtë për mbështetje stimuluese, sipas kuotës së përcaktuar me këtë rregullore.

Neni 7

Projektet shkencore e hulumtuese, artistike dhe sportive

Projektet shkencore të pranueshme për financim janë kryesisht hulumtimet individuale apo grupe, të realizuara në UIBM ose në terren nga stafi akademik dhe studentët.

Kapitulli III

NDARJA E FONDEVE DHE SKEMA E FINANCIMIT

Neni 8

Ndarja e fondeve

1. Aktivitetet shkencore dhe hulumtuese financohen nga buxheti i Universitetit "Isa Boletini" Mitrovicë. Me rastin e financimit të punës shkencore, në pajtim me dispozitat e kësaj rregulloreje, është e detyrueshme që të respektohen me rigorozitet procedurat e përcaktuara me këtë rregullore me paraqitjen e raportit narrativ dhe dëshmisë së publikimit dhe/apo faturave për shpenzimet e bëra, të cilat janë prova të domosdoshme me qëllim të përfitimit nga ky financim.

1.1 Financimi i publikimit të punimeve shkencore (grupi 1, grupi 2 dhe grupi 3) është në vlerë fikse dhe rimburohet me rastin e paraqitjes së kërkesës, duke u siguruar që autorësia e punimit lidhet me adresën e Universitetit "Isa Boletini" Mitrovicë. Financimi i personelit akademik, me rastin e pjesëmarrjes në aktivitete shkencore, do të kompensohet sipas skemës së ofruar (Tabela 1). Përveç personelit akademik, studentëve të masterit të Universitetit "Isa Boletini" Mitrovicë do t'u kompensohen shpenzimet e pjesëmarrjes në aktivitete shkencore, artistike e sportive, një herë për kohën sa zgjat cikli i studimeve master.

1.2 Me rastin e ndarjes së mjeteve financiare, duhet të sigurohet ndarja e shpenzimeve brenda shumës apo kuotës që parashihet me rregullore, me sa vijon:

- a) Tarifat e regjistrimit për ngjarjet shkencore;
- b) Akomodimi, si dhe
- c) Shpenzimet e udhëtimit.

1.3 Shuma maksimale e mbështetjes stimuluese për një person për një ngjarje nuk mund të tejkalojë shumën e përcaktuar nga Këshilli Drejtues i UIBM-së dhe provat e pagesës së shpenzimeve të përmendura më sipër, duke përfshirë biletat dhe faturat e biletave, faturat e akomodimit, regjistrimin e ngjarjes shkencore, të cilat duhet të paraqiten ose dokumentohen.

Financimi i projekteve shkencore bëhet mbi bazën e thirrjes që hap Universiteti "Isa Boletini" i Mitrovicës një herë në vit. Procedurat e financimit do të zhvillohen në një ambient konkurrent dhe menaxhmenti i UIBM-së është i obliguar që, pavarësisht nga prioriteti i UIBM-së, të hartojë kriteret, mbi të cilat financohen projektet.

Neni 9

Skema e financimit dhe stimujt financiarë

1. Puna kërkimore shkencore do të financohet për aq sa ka fonde për financim dhe sipas parimit "i pari për nga koha është i pari edhe për nga e drejta" që paraqet aplikacionin për financim. UIBM-ja do ta financojë punën kërkimore shkencore deri sa të mos jetë arritur kufiri i sipërm buxhetor (100%) i ndarë.

2. Skema e financimit, sipas paragrafit 1 të këtij neni, paraqitet sipas tabelave 1-3, me sa vijon:

Tabela 1. Publikimet shkencore

Gr. 1 (neni 5.1.1)	Shuma	Punime për vit*
SCIE, SSCI, AHCI	€ 1,000.00	Deri në 3
Gr. 2 (neni 5.1.2)	Shuma	Punime për vit
Scopus (Q1)	€ 800.00	Deri në 3
Scopus (Q2)	€ 600.00	Deri në 3
Scopus (Q3)	€ 400.00	Deri në 3
Scopus (Q4)	€ 300.00	Deri në 3
Gr. 3 (neni 5.1.3))	Shuma	Libra për vit
<i>Shtëpitë botuese</i>	€ 600.00 (libër € 200.00 (kapituj)	Deri në 2

**Nënkupton punime nga një autor apo grup autorësh të fushave përkatëse.*

Tabela 2. Pjesëmarrja në aktivitete shkencore/artistike

Aktivitete	Shuma	Financimi brenda vitit
Pjesëmarrje si prezantues i punimit, folës, panelist, kryesues seksioni, etj. (Definuar sipas nenit 6)	€ 1000.00	Dy herë*

**Njëra prej tyre duhet të jetë pjesëmarrje me prezantim punimi në kongrese ndërkombëtare, konferenca, simpoziume ose në disa fusha të shkencës, përfshirë pjesëmarrjen me poster ekuivalentë me kumtesa.*

Tabela 3. Projektet shkencore/hulumtuese në kuadër të kësaj rregulloreje

Thirrja e UIBM-së	Shuma	Projekte për vit	
Mars	Deri në € 15,000	Për aq sa ka buxhet	

KAPITULLI IV

PROCEDURAT PËR REALIZIMIN E MBËSHTETJES FINANCIARE

Neni 10

Procedurat dhe parashtrimi i kërkesës për financimin e publikimeve shkencore dhe vlerësimi

1. Me qëllim të realizimit të mbështetjes financiare të aktiviteteve hulumtuese dhe shkencore të përcaktuara me këtë rregullore, secili duhet të respektojë me përpikëri procedurat e aplikimit me sa vijon:

1.1 Për aplikimet e personelit akademik në një vit të caktuar, të paktën një botim i vitit të njëjtë ose i një viti më parë do të jenë të nevojshëm për kualifikim. Publikime të tilla duhet të plotësojnë kushtet e përcaktuara në dispozitat e kësaj rregulloreje.

1.2 Në kërkesat për mbështetje duhet të paraqitet formulari i aplikimit (Formulari 1), së bashku me dokumentet e mëposhtme:

1.2.1 Publikimet që do të vlerësohen për financim (artikulli i plotë, <https://doi.org/>; emri i revistës dhe shtëpisë botuese, indeksimi në platformën përkatëse, faktori i impaktit – IF, data e pranimi të punimit apo publikimit online);

1.2.2 Detajet në lidhje me ngjarjen shkencore që do të ndiqet, si data, qëllimi, arritjet dhe programi (nëse aplikohet);

1.2.3 Dokumentet që tregojnë pranimin e punimit/posterit për prezantim në një kongres, konferencë, simpozium dhe praninë e tij në programin e ngjarjes, si dhe një letër personale të ftesës ose pranimi për prezantimin (nëse aplikohet);

1.2.4 Dokumentacioni i shkruar i ftesës në punëtori ose kurs, si folës ose instruktor, te kandidati (nëse aplikohet).

1.3 Kërkesat për financim duhet të parashtrihen brenda vitit, në të cilin është bërë publikimi i punimit ose të publikimit të një viti më parë. Kërkesa duhet të bëhet në ZBNK, e cila dokumentacionin e bart në “Komisionin e Vlerësimit”. Përgjashtimisht, stafi akademik mund të aplikojë për financim edhe për punimet e publikuara gjatë vitit 2022. Këto aplikime duhet të bëhen brenda 15 ditëve nga data e hyrjes në fuqi të kësaj Rregulloreje. Gjithashtu, të gjitha aplikimet për mbështetje financiare të dorëzuara para hyrjes në fuqi të kësaj Rregulloreje mbeten të vlefshme.

1.4 Dosjet e aplikimit për financim do të vlerësohen nga “Komisioni i Vlerësimit”, i formuar nga menaxhmenti i universitetit dhe do t'i paraqiten KD-së si raport i komisionit, të paktën një herë në muaj. Vendimi për shpërndarjen e fondeve do të merret nga KD i universitetit pas vlerësimit të raportit të komisionit.

1.5 Aplikimi bëhet me shkrim nga autori kryesor ose korrespondent. Pagesa e financimit bëhet për punim, ndërsa rimbursimi i mjeteve bëhet në llogarinë bankare, e cila shënohet në formularët me rastin e kërkesës sipas të dhënave bankare të verifikuara të aplikantit.

1.6 Në rastet kur konstatohet se dokumentacioni nuk është i kompletuar, atëherë komisioni kërkon nga parashtruesi i kërkesës plotësimin e dokumentacionit, andaj shqyrtimi i kërkesës pezullohet deri në plotësimin e dokumentacionit. Nëse kandidati

nuk e plotëson dokumentacionin brenda afatit të dhënë nga komisioni, e që nuk mund të jetë më i shkurtër se 5 ditë pune, konsiderohet se kërkesa është tërhequr.

Neni 11

Procedurat që ndiqen gjatë aplikimit për konferenca dhe simpoziume shkencore (KSSH) dhe vlerësimi

1. Për aplikimet e personelit akademik për ngjarje shkencore e artistike në një vit të caktuar të drejtë aplikimi ka i gjithë personeli akademik deri dy herë në vit, sipas kushteve të përcaktuara me këtë rregullore. Kërkesa duhet të bëhet në ZBNKSh, e cila dokumentacionin e bart në Komisionin e Vlerësimit.
2. Në kërkesat për mbështetje financiare duhet të paraqitet formulari i aplikimit KSSH (Formulari 2), së bashku me dokumentet e mëposhtme:
 - 2.1 Prezantimi apo abstrakti që do të vlerësohet;
 - 2.2 Detajet në lidhje me ngjarjen shkencore që do të ndiqet, si data, qëllimi, arritjet dhe programi;
 - 2.3 Dokumentet që tregojnë pranimin e punimit/posterit, abstraktit për prezantim në një kongres, konferencë, simpozium dhe praninë e tij në programin e ngjarjes, si dhe një letër personale të ftesës ose pranimit për prezantimin;
 - 2.4 Dokumentacioni i shkruar i ftesës së aktivitetit apo ngjarjes për kandidatin si folës ose instruktor;
3. Kërkesa për KSSH duhet të bëhet individualisht, të paktën 30 ditë kalendarike para datës së ngjarjes, për të cilën bëhet kërkesa në "Komisionin e Vlerësimit".
4. Dosjet e aplikimit për KSSH do të vlerësohen nga "Komisioni i Vlerësimit" dhe do t'i paraqiten KD-së si raport i komisionit, të paktën një herë në muaj. Vendimi për alokimin e mjeteve financiare do të merret nga KD i universitetit, pas vlerësimit të raportit të komisionit.
5. Pagesa e financimit bëhet për person, ndërsa rimbursimi i mjeteve bëhet në llogarinë bankare, e cila shënohet në formularët me rastin e kërkesës.

Neni 12

Procedurat që ndiqen gjatë aplikimit për projekte shkencore (PSh) dhe vlerësimi

1. Për aplikimet e personelit akademik për projekte shkencore, në një vit të caktuar, të drejtë aplikimi ka i gjithë personeli akademik që identifikohen me njësinë akademike, institutin apo të ngjashme në kuadër të UIBM-së. Ngjarje të tilla duhet të plotësojnë kushtet e përcaktuara në dispozitat e kësaj rregulloreje, si dhe të mos jenë pjesë e financimit dhe trajtimit nga një institucion tjetër. Aplikimi për pjesëmarrje në projekt bëhet në ZBNKSh.
2. Në kërkesat për mbështetje duhet të paraqitet formulari i aplikimit (Formulari 3), së bashku me dokumentet e nevojshme që vendosen me rastin e thirrjes nga universiteti.
3. Dosjet e aplikimit për PSh do të vlerësohen nga "Komisioni i Vlerësimit". Vendimi për alokimin e mjeteve financiare do të merret nga KD i universitetit pas vlerësimit të raportit të komisionit.
4. Pagesa e financimit bëhet për projekt, ndërsa rimbursimi i mjeteve bëhet në llogarinë bankare, e cila shënohet në formularët me rastin e aplikimit. Kompensimi bëhet në dy këste: E para (60%), në formë të paradhënies për një pjesë të shpenzimeve, ndërsa kompensimi

përfundimtar i pjesës së mbetur bëhet pas përmbylljes së aktivitetit (40%), bazuar në një raport të zbatimit të projektit. Rezultatet nga projekti duhet të publikohen ose të jenë të pranueshme për komunitetin shkencor.

Neni 13

Komisioni i Vlerësimit të Publikimeve Shkencore

1. Rektori, sipas dispozitave të kësaj rregulloreje, e emëron komisionin për shqyrtimin dhe vlerësimin e kërkesave për mbështetje financiare.
2. Përbërja e komisionit duhet të jetë prej pesë (5) anëtarëve nga radhët e personelit akademik të universitetit, të cilët sigurojnë trajtimin e drejtë dhe të paanshëm të të gjitha kërkesave të aplikantëve. Shqyrtimi i kërkesave duhet të zhvillohet në pajtueshmëri me kornizën ligjore dhe procedurat e vendosura nga UIBM-ja, në mënyrë që të sigurohet parimi i barazisë, drejtësisë dhe transparencës.
3. Kryesuesi i komisionit është prorektori për kërkime shkencore në UIBM.
4. Anëtarët e komisionit për vlerësimin e kërkesave për ndarje të mjeteve buxhetore për mbështetjen e aktiviteteve të parapara me këtë rregullore mbajnë përgjegjësinë për zbatimin e drejtë të kriterëve për mbështetje.
5. Anëtarët e komisionit vlerësues, të paraparë me këtë nen, duhet të deklarojnë paraprakisht mundësinë e ekzistencës së interesit të tyre privat lidhur me vendimmarrjen në raste të caktuara, që mund të jenë shkak për lindjen e konfliktit të interesit sipas ligjit të veçantë për parandalimin e konfliktit të interesit.

Neni 14

Vlerësimi i kërkesave dhe vendimmarrja

1. Komisioni bën shqyrtimin dhe vlerësimin e kërkesave për mbështetjen financiare të aktiviteteve shkencore brenda një afati të arsyeshëm kohor, por jo më të gjatë se 30 ditë pune nga momenti i dorëzimit të kërkesës.
2. Komisioni mund të nxjerrë rekomandimin nëse janë të pranishëm shumica e anëtarëve të tij.
3. Komisioni mban procesverbal gjatë mbledhjeve, i cili duhet të ketë votën nga shumica e anëtarëve prezent të komisionit.
4. Puna e komisionit ndihmohet nga ZBNKSh.
5. Komisioni, përmes prorektorit për shkencë, i rekomandon Këshillit Drejtues marrjen e vendimit për listën e përfituesve, në përputhje me kriteret e përcaktuara në pajtim me dispozitat e kësaj rregulloreje.
6. Brenda pesë ditëve të punës, pas miratimit nga ana e Këshillit Drejtues, vendimi i përfituesve publikohet në uebfaqen zyrtare të universitetit.
7. Këshilli Drejtues mund të bëjë ndryshime dhe plotësime, sipas vlerësimit të tij, apo të kërkojë që komisioni për vlerësimin e kërkesave ta bëjë rivlerësimin e kërkesave.
8. Këshilli Drejtues merr vendim, duke marrë në konsideratë rekomandimin e komisionit vlerësues të kërkesave, në afat prej 15 ditë pune.

Neni 15

Raportet e projekteve shkencore

1. Periudha kohore e raportimit, e paraparë me këtë rregullore, duhet të përfundojë brenda 30 ditëve kalendarike pas përfundimit të aktivitetit.
2. Raporti nga paragrafi 1 i këtij neni protokollohet dhe një kopje e tij dorëzohet në arkivin e universitetit.
3. Këshilli Drejtues ka të drejtë në monitorimin e përfituesve në lidhje me shfrytëzimin e drejtë dhe sipas vendimit për mjetet e ndara dhe ka të drejtë të iniciojë auditimin e përfituesve për mënyrën e shpenzimit të mjeteve të ndara nga universiteti.

Neni 16

E drejta e ankesës

Secili subjekt i pakënaqur me vendimin për njohjen apo refuzimin e të drejtës, sipas dispozitave të kësaj rregulloreje, ka të drejtë t'i paraqesë ankesë Këshillit Drejtues në afat prej 7 ditësh nga dita e pranimi të vendimit.

KAPITULLI V

DISPOZITAT KALIMTARE DHE PËRFUNDIMTARE

Neni 17

Dispozitat kalimtare

Ndarja e mjeteve financiare e bërë para hyrjes në fuqi të kësaj rregulloreje vazhdon të zbatohet sipas rregullativës ekzistuese.

Neni 18

Shfuqizimi

Me hyrjen në fuqi të kësaj rregulloreje, shfuqizohet Rregullorja për financimin e veprimtarisë kërkimore - shkencore në Universitetin "Isa Boletini" në Mitrovicë me nr.prot.769 dt.31.03.2023.

Neni 19

Hyrja në fuqi

Kjo rregullore hyn në fuqi pas miratimit nga ana e Këshillit Drejtues.

Kryesuese e Këshillit Drejtues
Dr. Albana Rexha



**KËRKESË PËR FINANCIM TË PUBLIKIMIT SHKENCOR
(FORMULARI 1)**

1. PARASHTRUESI I KËRKESËS:

EMRI DHE	THIRRJA
MBIEMRI: _____	SHKENCORE: _____
NJËSIA	THIRRJA
AKADEMIKE: _____	AKADEMIKE: _____

AUTOR KRYESOR: _____

AUTOR

KORRESPONDENT: _____

BASHKAUTORËT: _____

2. DETAJËT E PUBLIKIMIT:

PËRKATËSIA E
AUTORIT
(AFFILIATION): _____

TITULLI I PUNIMIT: _____

DOI: _____

EMRI REVISTËS: _____

SHTËPIA BOTUESE _____

INDEKSIM I NË
PLATFORMËN: _____

IMPAKT FAKTORI
(IF): _____

SCOPUS (Q1-Q4): _____

DATA E PRANIMIT: _____

DATA E PUBLIKIMIT: _____

LINKU I PUBLIKIMIT: _____

3. Dëshmia e regjistrimit të punimit shkencor në databazën e punimeve shkencore të UIBM.

4. INFORMATA NËSE PUNIMI ËSHTË PREZANTUAR NË KONFERENCË/SIMPOZIUMË
(NËSE APLIKOHET):

Shëno detajet e organizimit të konferencës apo simpoziumit:

LINKU I
KONFERENCËS: _____
VENDI I _____ DAT _____
KONFERENCËS: _____ A: _____

5. TË DHËNAT BANKARE TË PËRFITUESIT – AUTORIT TË PARË OSE AUTORIT KORRESPONDENT:

EMRI DHE MBIEMRI I
APLIKANTIT: _____

EMRI BANKËS: _____
NUMRI I LLOGARISË
BANKARE: _____

SWIFT KODI: _____

VENDI: _____

SHUMA E KËRKUAR: EURO _____ SHËNO ME
FJALË: _____

6. PARASHTRUESI I KËRKESËS:

EMRI DHE MBIEMRI: _____

NËNSHKRIMI: _____

DATA DHE VENDI: _____

PLOTËSOHET NGA ZYRA PËR KËRKIME
DHE PROJEKTE TË SPONSORIZUARA NË
UIBM

7. SHQYRTIMI I KËRKESËS:

DATA E PRANIMIT NË ZKPS: _____

ZYRTARI I PRANIMIT: _____

KONTROLLI I

DOKUMENTACIONIT:

I KOMPLETUAR ☐

PAKOMPLETUAR ☐

NËNSHKRIMI: _____

DATA : _____

**FORMULAR I APLIKIMIT PËR FINANCIM TË PJESËMARRJES NË KONFERENCA
DHE SIMPOZIUME SHKENCORE, ARTISTIKE DHE SPORTIVE**
(Formulari 2)

1. PARASHTRUESI I KËRKESËS

EMRI DHE	THIRRJA
MBIEMRI: _____	SHKENCORE: _____
NJËSIA	THIRRJA
AKADEMIKE: _____	AKADEMIKE: _____
AUTORI	
KRYESOR: _____	
BASHKËPJESËMA	
RRËSI: _____	

**2. DETAJET E KONFERENCES, SIMPOZIUMIT OSE AKTIVITETIT
SHKENCOR, ARTISTIK DHE SPORTIV:**

EMËRTIMI I
NGJARJES: _____

VENDI DHE DATA: _____

ORGANIZATORI: _____

FTESA DHE
PROGRAMI: _____

ABSTRAKTI DHE
TITULLI I
PUNIMIT: _____

KONFIRMIMI I
PRANIMIT TË
PUNIMIT: _____

AUTORËT E
PUNIMIT
(AFFILIATION): _____

FOLES ME
KUMTESË/POSTER : _____

NGJARJE
ARTISTIKE/
SPORTIVE: _____

KRYESUES/PANELIST: _____

LINKU I
PUBLIKIMIT TË
NGJARJES: _____

**3. TË DHËNAT BANKARE TË PËRFITUESIT – AUTORIT
KRYESOR/BASHKËPJESËMARRËSIT:**

EMRI DHE MBIEMRI I
APLIKANTIT: _____

EMRI BANKËS: _____
NUMRI I LLOGARISË
BANKARE: _____
SWIFT KODI: _____
VENDI: _____

SHUMA E KËRKUAR: EURO _____ SHËNO ME
FJALË: _____

4. PARASHTRUESI I KËRKESËS:

EMRI DHE MBIEMRI: _____
NËNSHKRIMI: _____

DATA DHE VENDI: _____
PLOTËSOHET NGA ZYRA PËR KËRKIME DHE
PROJEKTE TË SPONSORIZUARA NË UIBM

5. SHQYRTIMI I KËRKESËS:

DATA E PRANIMIT NË
ZKPS: _____

ZYRTARI I PRANIMIT: _____
KONTROLLI I
DOKUMENTACIONIT: _____

I KOMPLETUAR
PAKOMPLETUA
R

☐
☐

NËNSHKRIMI

: _____

DATA : _____

FORMULAR I APLIKIMIT PËR FINANCIM TË PROJEKTEVE SHKENCORE
(Formulari 3)

Pjesa 1: Administrimi

Titulli i projektit	
Kohëzgjatja e projektit (në muaj)	
Njësia Akadematike e UIBM-së që aplikon	
Të dhënat për ekipin hulumtues të projektit hulumtues	
Të dhënat për Dekanin e Njesisë Akadematike	
Emri i Dekanit	
Vendi	
Numri i telefonit	
Email adresa	
Faqja e internetit/rrjeti social	

Të dhënat për anëtarët e ekipit hulumtues	
Anëtar 1	
Emri dhe mbiemri	
Titulli/Grada shkencore	
Njësia Akademike brenda UIBM-së	
Numri i telefonit	
Email adresa	
Fusha e specializimit hulumtues	
Kontributi në projekt	

Të dhënat për anëtarët e ekipit hulumtues	
Anëtar 2	
Emri dhe mbiemri	
Titulli/Grada shkencore	
Njësia Akademike brenda UIBM-së	
Numri i telefonit	
Email adresa	
Fusha e specializimit hulumtues	
Kontributi në projekt	
Të dhënat për anëtarët e ekipit hulumtues	
Anëtar 3	

Emri dhe mbiemri	
Titulli/Grada shkencore	
Njësia Akademike brenda UIBM-së	
Numri i telefonit	
Email adresa	
Fusha e specializimit hulumtues	
Kontributi në projekt	

Shënim: Shtoni tabela si këto te mësipërme, varësisht nga numri i anëtarëve.

Pjesa II: Informacione rreth projektit

Përshkrim gjithëpërfshirës i projekt-propozimit dhe plani i hulumtimit/realizimit (1-2 faqe)

- *Pasqyroni shkurtë projekt-propozimit tuaj: Cilat janë pyetjet hulumtuese dhe çfarë synohet të studiohet? Cilat janë objektivat dhe qëllimi?*
- *Përshkruani metodat e hulumtimit, aktivitetet si dhe ndarjen e punëve në mes anëtarëve të ekipit hulumtues.*

Fjalë kyçe për
projektin (6 max.)

Ndikimi dhe arsyeshmëria e projektit (max. 1 faqe)

Pse është i rëndësishëm ky projekt hulumtues? Cili është ndikimi i projektit në dobi të fushës së studimit, në dobi të UIBM-së, apo në dobi të shoqërisë në përgjithësi?

Plani i punës dhe afatet kohore

Paraqitni një plan sa më të hollësishëm të punës (në formë tabelare) duke përfshirë aktivitetet që parashihen të ndërmerren në këtë projekt, afatet kohore për secilin nga këto aktivitete, personat përgjegjës për realizimin e aktivitetit dhe koston e lidhur me aktivitetin.

III. Arsyetimi financiar

Plani i përgjithshëm buxhetor	
Kosto totale e projektit (EUR)	
Shuma e kërkuar nga UIBM (EUR) (100%) Prej së cilave ¹ :	
Kosto materiale (Pajisje, produkte, etj.) (40%)	
Kosto administrative (udhëtime, takime, shpenzime ditore, etj.) (30%)	
Kosto te personelit ² (studentë, eksperte apo konsulentë të jashtëm) (20%)	
Kostot e tjera (10%)	

¹ Më një arsyetim të bazuar, këto përqindje mund të ndryshohen

² Bartësi i projektit paguhet deri max 50% të 20% të kostos së personelit, ndërsa pjesa tjetër për anëtarët e ekipit.



UNIVERSITETI - UNIVERSITY
“ISA BOLETINI”
MITROVICË

Përshkrimi i detajuar i kostos³

Kostot e projektit preferohet të shpërndahen në: 40% kosto materiale, 30% kosto administrative,
20% kosto të personelit dhe 10% kosto tjera.

PËRSHKRIMI I KOSTOS	SASIA	KOSTO TOTALE
Kosto materiale (40%) (Në rubrikat e mëposhtme, përshkruani në detaje kostot materiale: p.sh. blerja e xx pajisjeve)		
Kosto administrative (30%) (Në rubrikat e mëposhtme, përshkruani në detaje kostot administrative: p.sh. udhëtimet, takimet, etj.)		
Kosto të personelit (20%) (Në rubrikat e mëposhtme, përshkruani në detaje kostot e personelit: p.sh. studentë, eksperte apo konsulentë të jashtëm)		
Kosto tjera (10%)		
Kosto totale (100%)	/	EUR

Nënshkrimi i aplikuesit

³ Dëshmitë e kostove të projektit duhet të ruhen dhe të raportohen në fund të projekti!